

**CONVENIO DE COLABORACIÓN ENTRE A EXCMA. DEPUTACIÓN PROVINCIAL DE PONTEVEDRA
E O EXCMO. CONCELLO DE CERDEDO-COTOBADA PARA A EXECUCIÓN DO PROXECTO DE
“MELLORA DA MOBILIDADE PEONIL NA E.P. 0407 BORELA – PONTE CALDELAS, DO P.Q. 1+000
AO P.Q. 1+365 (CONCELLO DE CERDEDO-COTOBADA)”.**

Documento asinado electrónicamente por:

CONVENIO DE COLABORACIÓN ENTRE A EXCMA. DEPUTACIÓN PROVINCIAL DE PONTEVEDRA E O EXCMO. CONCELLO DE CERDEDO-COTOBADÉ PARA A EXECUCIÓN DO PROXECTO DE “MELLORA DA MOBILIDADE PEONIL NA E.P. 0407 BORELA – PONTE CALDELAS, DO P.Q. 1+000 AO P.Q. 1+365 (CONCELLO DE CERDEDO-COTOBADÉ)”.

INTERVEÑEN

D. Luis López Diéguez, na súa condición de Presidente da Deputación de Pontevedra, actuando en virtude da competencia que lle atribúe o artigo 34.1.b) da Lei 7/1985, de 2 de abril, reguladora das bases do réxime local (en adiante LBRL).

D. Jorge Cubela López, alcalde do Concello de Cerdedo-Cotobade, actuando en virtude das facultades representativas que lle atribúe o artigo 21.1.b) da LBRL.

D. Carlos Cuadrado Romay, secretario xeral da Deputación Provincial de Pontevedra, dando fe do acto.

Ambas partes recoñécense con capacidade para formalizar o presente convenio, en base ós principios de colaboración, cooperación, coordinación e eficacia que deben presidir as actuacións das Administracións Públicas.

MANIFESTAN

I.- Que os convenios entre as Administracións Públicas constitúen o instrumento adecuado para desenvolver a súa cooperación en cuestións de interese común, tal como establecen os art. 47 e seguintes da Lei 40/2015, de 1 de outubro, de réxime xurídico do sector público (en adiante LRXSP), 57 da LBRL e 198 e seguintes da Lei 5/97, de 22 de xullo, de Administración local de Galicia (en adiante LALG).

II.- Que a Deputación de Pontevedra, está concienciada sobre a necesidade de aumentar a seguranza viaria en toda a rede de estradas da provincial, facendo especial fincapé nos tramos que transcorren por espazos urbanos ou núcleos rurais dos distintos concellos, dando cumprimento a asistencia que debe prestar segundo disposto no artigo 36 da Lei 7/85, de 2 de abril, reguladora das bases de réxime local.

O obxectivo é conformar un contorno viario seguro e tranquilo, fomentando a convivencia de todos os medios de transporte e sistemas de desprazamento, así como repartir de xeito



equitativo o espazo público. Quérese garantir que vías provinciais ofrezan unha mobilidade universal nun espazo continuo de seguranza viaria.

III.- Que segundo dispoñen os artigos 26.1 da Lei 7/1985, de 2 de abril, reguladora das bases do réxime local e 81 da Lei 5/1997, de 22 de xullo, de Administración Local de Galicia, os municipios deberán prestar ós seus cidadáns, determinados servizos públicos en función da súa poboación.

IV.- Que o artigo 36 da Lei 7/1985 e os artigos 109 e 110 da Lei 5/1997 encomendan ás deputacións a que dirixan a súa actividade a asegurar a prestación integral e adecuada dos servizos de competencia municipal, a tal efecto, e co fin de posibilitar a consecución real e efectiva dos mesmos, é polo que se instrumenta o presente convenio dirixido ó cumprimento das obrigacións impostas pola normativa vixente.

V.- Que a Deputación de Pontevedra é titular da estrada provincial E.P. 0407 Borela – Ponte Caldelas, que transcorre polo Concello de Cerdedo-Cotobade e ten unha lonxitude total de 8.780,00 metros.

VI.- Que na actualidade, no treito comprendido entre o P.Q. 1+000 e o P.Q. 1+365 da E.P. 0407 Borela – Ponte Caldelas é necesario realizar unha reestruturación do espazo público para executar unha actuación que permita unha mellora da seguridade viaria e mobilidade peonil, co fin de solucionar os problemas de inseguridade que se producen diariamente ó existir desprazamentos de persoas a pé por metade da estrada provincial, actuando no núcleo poboacional de Borela, un lugar onde existen importantes focos de atracción de mobilidade pero sen ningún tipo de espazo ou área reservada para o desfrute dos colectivos máis vulnerables, cun espazo público que non permite a día de hoxe o tránsito peonil de forma cómoda e segura, nun ámbito onde diariamente se desprazan un gran número de persoas camiñando, véndose obrigadas a ir por metade da estrada provincial, co risco e a inseguridade que iso supón, ó non existir ningún tipo de solución para os peóns.

VII.- Que a actuación consiste en acondicionar o treito comprendido entre o P.Q. 1+000 e o P.Q. 1+365 da E.P. 0407 Borela – Ponte Caldelas, contemplando executar unha plataforma única de lastros de pedra, sobreelevada 12 cm con respecto da rasante da estrada actual e con prioridade peonil, con mobiliario urbano e vexetación que dignifiquen a zona de actuación, atopándonos nun entorno con elementos patrimoniais de gran beleza, sendo necesario facer unha actuación que, a maiores de dignificar o entorno patrimonial no que se atopa, marque a prioridade peonil



da zona, garantindo a seguridade viaria e a mobilidade peonil na totalidade do ámbito de actuación. A maiores, o proxecto contempla tamén a execución dunha nova rede de pluviais para a recollida das augas en días de choiva, así como melloras en diversos servizos urbanos como o soterramento das liñas de electricidade e telecomunicacións existentes na actualidade en aéreo, e a execución dunha nova rede de alumeadado público, con instalación de novas luminarias LED de deseño.

Con esta intervención perséguese delimitar claramente a circulación do tráfico rodado e peonil, buscando crear itinerarios peonís seguros para os colectivos máis vulnerables, sempre baixo as premisas de buscar un deseño que sexa comprensible, utilizable e practicable por todas as persoas en condicións de seguridade e comodidade.

VIII.- Co fundamento en canto queda exposto, e sendo patente a vontade de colaboración das Entidades comparecentes, ámbalas dúas partes acordan a subscripción do presente convenio, consonte ás seguintes:

CLÁUSULAS

Primeira.- Obxecto

O obxecto do presente convenio é establecer as condicións que rexerán a colaboración entre a Deputación de Pontevedra e o Concello de Cerdedo-Cotobade para a execución do proxecto de *“MELLORA DA MOBILIDADE PEONIL NA E.P. 0407 BORELA – PONTE CALDELAS, DO P.Q. 1+000 AO P.Q. 1+365 (CONCELLO DE CERDEDO-COTOBADA)”*.

As unidades de obra contempladas no proxecto inclúen a demolición de parte dos pavimentos existentes e a execución dos movementos de terras necesarios para a construción dunha zona de convivencia desde o P.Q. 1+000 e ata o P.Q. 1+365 da E.P. 0407 Borela – Ponte Caldelas, de lastros de pedra e sobreelevada 12 cm con respecto á rasante da estrada actual. A maiores, o proxecto inclúe a realización dos movementos de terras e traballos necesarios para a execución, ao longo da totalidade da zona de actuación, dunha nova rede soterrada de recollida de augas pluviais, así como o soterramento das redes existentes en aéreo de electricidade, telecomunicacións e alumeadado público, con colocación de novas luminarias LED de alto rendemento. Por último, o proxecto contempla a colocación de mobiliario urbano moderno e de deseño, así como plantación de nova vexetación en alcorques, buscando en todo momento dignificar un espazo público situado nun entorno patrimonial de gran beleza.



Segunda.- Importe do convenio.

O importe ó que se refire a presente actuación ascende a un millón setenta e tres mil oitocentos vinte e un euros con vinte e dous céntimos (1.073.821,22 €), máis douscentos vinte e cinco mil cincocentos dous euros con corenta e seis céntimos (225.502,46 €) en concepto de IVE, o que ascende a un orzamento total de un millón douscentos noventa e nove mil trescentos vinte e tres euros con sesenta e oito céntimos (1.299.323,68 €).

Terceira.- Financiamento.

As obras serán financiadas pola Deputación de Pontevedra e o Concello de Cerdedo-Cotobade mediante a achega das cantidades relacionadas de seguido:

Organismo	Achega	%
Deputación de Pontevedra	909.526,58 €	70
Concello de Cerdedo-Cotobade	389.797,10 €	30
TOTAL OBRAS	1.299.323,68 €	100

As expropiacións necesarias para a realización das mencionadas obras serán financiadas na súa integridade polo Concello de Cerdedo-Cotobade:

Organismo	Achega	%
Concello de Cerdedo-Cotobade	53.968,95 €	100
TOTAL EXPROPIACIÓN	53.968,95 €	100

A Deputación de Pontevedra realizará a tramitación anticipada do gasto do presente convenio, condicionando a súa achega, por importe de 909.526,58 € ao remanente de crédito existente na aplicación 25/456.4530.612.02 que se incorporará ao orzamento provincial 2026.

A achega do Concello de Cerdedo-Cotobade, por importe de 443.766,05 € (30 % do importe das obras máis o importe resultante das expropiacións), realizarase mediante compromiso de consignación no respectivo orzamento 2026 co medio de financiamento que se considere máis axeitado á situación financeira do Concello.



De selo caso de que se financie a cargo ao Plan Máis Provincia 2026, xerárase crédito na aplicación orzamentaria que corresponda. O importe do financiamento con cargo a esta subvención está condicionado á aprobación do plan pola Deputación e por contía suficiente correspondente ao Concello de Cerdedo-Cotobade.

De conformidade co disposto no artigo 116.5 da Lei 9/2017, de 8 de novembro, de contratos do sector público, pola que se traspoñen ao ordenamento xurídico español as directivas do Parlamento Europeo e do Consello 2014/23/UE e 2014/24/UE, do 26 de febreiro de 2014 (en diante, LCSP), unha vez aprobado o Convenio, e antes de aprobar o expediente de contratación correspondente, acreditarase a plena dispoñibilidade de todas as achegas que financian o investimento.

Os demais gastos derivados da actuación obxecto do presente convenio, tales como redacción do proxecto e os contratos de servizo accesorios para a dirección, control e seguimento da execución de obras, e soterramento de servizos, serán financiados pola Deputación de Pontevedra.

Cuarta.- Incidencias no desenvolvemento da obra.

Calquera incidencia que poida xurdir no desenvolvemento das obras, por causas imprevistas e que obriguen a unha modificación do proxecto e se produza un incremento do custo, será financiada de conformidade cos coeficientes dispostos na cláusula terceira. No caso de producirse unha diminución, sempre que a achega do Concello sexa con cargo a fondos propios, será devolta a cantidade sobrante.

Quinta.- Obrigas do Concello.

O Concello de Cerdedo-Cotobade obrígase a:

- 1) Obter as correspondentes licenzas e tramitar ante outros organismos as autorizacións pertinentes que fosen precisas.
- 2) Levar a cabo a conservación e mantemento de todos os servizos urbanos executados ou modificados polas actuacións obxecto deste convenio (itinerarios peonís, zonas de convivencia, mobiliario urbano, iluminación, etc), logo da comunicación da Deputación de Pontevedra de finalización das obras.



- 3) Antes da sinatura do presente convenio, o concello deberá achegar á Deputación de Pontevedra o compromiso do acordo adoptado polo órgano que legalmente teña atribuída a competencia conforme á lexislación propia do Réxime Local.
- 4) Darlle a adecuada publicidade a este convenio, de tal xeito que quede constancia que a remodelación da infraestrutura se levou a cabo en colaboración coa Deputación de Pontevedra.

Sexta.- Obrigas da Deputación Provincial de Pontevedra.

Correspóndelle á Deputación de Pontevedra:

- 1) Correspóndelle a redacción do proxecto técnico para a execución das obras de *“MELLORA DA MOBILIDADE PEONIL NA E.P. 0407 BORELA – PONTE CALDELAS, DO P.Q. 1+000 AO P.Q. 1+365 (CONCELLO DE CERDEDO-COTOBADÉ)”*, así como a licitación, dirección, execución e recepción das obras.
- 2) Unha vez producido o acto formal de recepción das obras pola Deputación de Pontevedra, esta porao en coñecemento do Concello, entendéndose que tal comunicación determina o momento da obriga asumida polo Concello na cláusula quinta 2) precedente, sen prexuízo das responsabilidades que correspondan ao contratista derivadas do contrato de obras e para esixir o cal, a Deputación de Pontevedra, poderá adoptar todas as medidas que considere necesarias.
- 3) Correspóndelle a obriga de remitir a información sobre o presente convenio ao Consello de Contas en aplicación do establecido no artigo 53 da Lei 40/2015, de 1 de outubro, de Réxime Xurídico do Sector Público e da súa normativa de desenvolvemento.

Sétima.- Compensación de débedas

O Concello de Cerdedo-Cotobade faculta expresamente á Deputación para reter e compensar o importe da súa contribución ao financiamento das obras con cargo ás cantidades que lle poidan corresponder por toda clase de débedas vencidas e pendentes de pago.

Oitava.- Comisión de seguimento e control.

Para o seguimento e control do cumprimento do presente convenio, así como para aclarar as dúbidas que suscite a súa interpretación, constitúese unha Comisión de Seguimento da que



forman parte o presidente, o alcalde ou persoas en quen deleguen, o secretario da Deputación de Pontevedra ou persoa en quen delegue e un representante técnico de cada Administración.

As súas funcións, entre outras, serán as seguintes:

- Impulsar e avaliar o cumprimento do presente convenio, propoñendo as actuacións que se consideren precisas.
- Propoñer a interpretación, en caso de dúbida, do contido do mesmo.
- Propoñer ás partes a resolución das controversias que poidan xurdir na aplicación do convenio.

Esta comisión reunirse dentro do prazo de tres días, a contar dende a petición expresa realizada por calquera delas.

Novena.- Vixencia do convenio

O presente convenio entrará en vigor na data da súa sinatura e terá vixencia ata o remate das obras obxecto do convenio, en todo caso ata o 31 de decembro de 2027.

A vixencia do presente convenio poderá prorrogarse coa conformidade expresa das partes intervinientes e de acordo co disposto no artigo 49 da LRXSP.

Décima.- Extinción.

O convenio extinguirase por cumprimento das actuacións que constitúen o seu obxecto ou por incorrer en causa de resolución. Serán causas de resolución o incumprimento das obrigas derivadas deste convenio por calquera das partes de conformidade co disposto no artigo 51 da LRXSP e as demais previstas no dito artigo.

Undécima.- Normativa aplicable.

O presente convenio ten natureza administrativa, rexéndose polas cláusulas establecidas e:

- Lei 7/1985, de 2 de abril, reguladora das bases de réxime local
- - Lei 5/97, de 22 de xullo, da Administración local de Galicia.
- Lei 40/2015, de 1 de outubro, de réxime xurídico de sector público



- Bases reguladoras da execución do orzamento da Deputación de Pontevedra para o exercicio 2025 e 2026.
- E demais normativa de obrigado cumprimento

As partes quedan sometidas á Xurisdición Contencioso-Administrativa, a falta de entendemento previo pola comisión citada na cláusula oitava, na resolución de posibles controversias que puideran suscitar o incumprimento ou interpretación do convenio.

E en proba de canto antecede, as partes que interveñen asinan o presente convenio, por duplicado e a un só efecto, no lugar e na data sinalados no seu encabezamento.

